

BOSNA I HERCEGOVINA
FEDERACIJA BOSNE I HERCEGOVINE
**FEDERALNA UPRAVA ZA
INSPEKCIJSKE POSLOVE**

BOSNIA AND HERZEGOVINA
FEDERATION OF BOSNIA AND HERZEGOVINA
**FEDERAL DEPARTMENT FOR
INSPECTION AFFAIRS**

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
**ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ**

Fehima efendije Čurčića br.6. 71000 Sarajevo

Id broj: 4201159630005

Broj: 01-04-6-05507-2/2021
Sarajevo, 22.11.2021. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-04-6-05507-1/2021 od 19.11.2021. godine, Direktor Federalne uprave za inspeksijske poslove u ime ugovornog organa, d o n o s i

O D L U K U

o dodjeli ugovora za nabavku usluga štampanja 300 komada kalendara za 2022. godinu

I

Prihvata se ponuda ponuđača Udruženja „Obrazovanje gradi Bosnu i Hercegovinu” broj 2-SI/21, te se ugovor o nabavci usluga štampanja kalendara za 2022. godinu - 300 (tri stotine) komada, dodjeljuje navedenom ponuđaču, pod slijedećim uslovima:

- jedinična cijena po jednom kalendaru iznosi 5,38 KM bez PDV-a, odnosno 6,30 KM sa PDV-om;
- na kalendarima će biti odštampani podaci Federalne uprave za inspeksijske poslove (logo, adresa, telefon);
- ukupna cijena: 1.614,00 KM bez uračunatog PDV-a, odnosno 1.890,00 KM sa PDV-om;
- rok isporuke: 7 dana od dana prijema narudžbenice;
- uvjeti plaćanja: 30 dana od dana ispostavljanja fakture, u skladu sa Budžetskim načinom plaćanja;

II

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Direktor Federalne uprave za inspeksijske poslove je svojom odlukom broj 01-04-6-05507/2021 od 11.11.2021. godine pokrenuo direktni postupak javne nabavke roba – kalendari za 2022. godinu, koja je predviđena Planom nabavki Uprave za 2021. godinu.

Komisija je dana 19.11.2021. godine izvršila evaluaciju ponude broj broj 2-SI/21 koju je dostavio ponuđač Udruženje „Obrazovanje gradi Bosnu i Hercegovinu”, a koji je predmetne robe ponudio po cijeni od 5,38 KM bez PDV-a, odnosno 6,30 KM sa uračunatim PDV-om. Navedeni ponuđač je ponudio da se na podložnom listu kalendara odštampaju podaci o Federalnoj upravi za inspeksijske poslove, i to: logo, adresa, telefon ovog organa. Ponuda je od strane komisije sa aspekta cijene ocijenjena prihvatljivom, te je dala preporuku direktoru uprave da donese odluku kojom će ugovor o nabavci predmetnih roba dodijeliti ovom ponuđaču.

Prilikom donošenja odluke direktor je imao u vidu i činjenicu da je osnovna svrha štampanja kalendara od strane Udruženja „Obrazovanje gradi Bosnu i Hercegovinu” prikupljanje sredstava za stipendiranje djece i mladih, te da će se na taj način obezbjediti određeni broj godišnjih stipendija za navedene populacije.

Imajući u vidu naprijed navedeno, Direktor je donio odluku kao u dispozivu.

Pouka o pravnom lijeku: Protiv ove odluke žalba nije dopuštena.



Dostaviti:

- ① Udruženje „Obrazovanje gradi Bosnu i Hercegovinu“, Dobojska 4, 71000 Sarajevo
- ② Sektor za materijalno-finansijske i tehničke poslove
- ③ Sektor za tehničku podršku i plansko-analitičke poslove
- ④ Komsija za javne nabavke (a/a).